

Caput 1

Lectio iv Dominici Domini Nostri Iesu Christi Regis

Donald P. Goodman III
v Ianuarii MMVIII

1.1 Ex Litteris Encyclicis Pii Papæ undécimi

Cum Annus sacer non unam ad illustrándum Christi regnum habúerit oppor-
tunitátem, vidémur rem factúri Apostólico múnere in primis consentáneam, si,
plurimórum patrum cardinálium, episcopórum fideiúmque précibus, ad Nos aut
sigillátim aut commúniter delátis, concedéntes, hunc ipsum Annum peculiári fe-
sto Dómini nostri Iesu Christi Regis in ecclesiásticam litúrgiam inducéndó clau-
sérimus. Ut transláta verbi significatióne Rex appellarétur Christus ob summum
excelléntiæ gradum, quo inter omnes res creatas præstat atque éminet, iam diu
communitérque usu venit. Ita enim fit, ut regnáre is «in méntibus hóminum»
dicátur non tam ob mentis áciem scientiæque suæ amplitúdinem, quam quod
ipse est Véritas, et veritátem ab eo mortáles hauríre atque obediénter accípere
necesse est; «in voluntátibus» item «hóminum», quia non modo sanctitáti in
eo voluntátis divínæ perfécta prorsus respóndet humánæ intégritas atque ob-
temperátio, sed étiam liberæ voluntáti nostræ id permotióne instinctúque suo
súbicit, unde ad nobilíssima quæque exardescámus. «Cordium» déniq[ue] «Rex»
Christus agnóscitur ob eius «supereminentem sciéntiæ caritátem» et mansue-
túdinem benignitatémque ánimos alliciéntem: nec enim quemquam usque adeo
ab universitáte géntium, ut Christum Iesum, aut amári aliquándo cóntigit aut
amátum iri in pósterum contínget. Verum, ut rem préssius ingrediámur, ne-
mo non videt, nomen potestatémque regis, própria quidem verbi significatió-
ne, Christo hómini vindicári oportére; nam, nisi quátenus homo est, a Patre
«potestátem et honórem et regnum» accepísse dici nequit, quandóquidem Dei
Verbum, cui éadem est cum Patre substántia, non potest ómnia cum Patre non

habere communia, proptereaque ipsum in res creatas universas summum atque absolutissimum imperium.¹

1.2 Psalmus 46

Omnes Gentes, plaudite manibus: iubilate Deo in voce exultationis. Quoniam Dominus excelsus, terribilis: Rex magnus super omnem terram. Subiecit populos nobis: et Gentes sub pedibus nostris. Elegit nobis hereditatem suam: speciem Iacob, quam dilexit. Ascendit Deus in iubilo: et Dominus in voce tubae. Psallite Deo nostro, psallite: psallite Regi nostro, psallite. Quoniam Rex omnis terrae Deus: psallite sapienter. Regnabit Deus super Gentes: Deus sedet super sedem sanctam suam. Principes populorum congregati sunt cum Deo Abraham: quoniam dii fortes terrae vehementer elevati sunt.

1. Textum ex Officio D.N.I.C. Regis.